



REVIZIJA. RAČUNOVODSTVO. FINANSIJSKI KONSALTING
AZIZE ŠAĆIRBEGOVIĆ BB SARAJEVO
www.recons.ba

**IZVJEŠTAJ O OBAVLJENOJ REVIZIJI FINANSIJSKIH IZVJEŠTAJA
ASOCIJACIJA KOMPOZITORA - MUZIČKIH STVARALACA
AMUS Sarajevo
za period 01.01.-31.12.2017. godine**

Sarajevo, mart 2018. godine

IZJAVA O ODGOVORNOSTI UPRAVE ZA FINANSIJSKE IZVJEŠTAJE

Uprava opravdano očekuje da će Asocijacija u dogledno vrijeme raspolagati odgovarajućim resursima, te stoga usvaja načelo vremenske neograničenosti poslovanja pri sastavljanju finansijskih izvještaja.

Odgovornosti Uprave pri izradi finansijskih izvještaja obuhvataju slijedeće:

- odabir i dosljednu primjenu odgovarajućih računovodstvenih politika;
- davanje opravdanih i razboritih prosudbi i procjena;
- postupanje u skladu s važećim računovodstvenim standardima, uz objavu i obrazloženje svih materijalno značajnih odstupanja u finansijskim izvještajima.

Uprava je odgovorna za vođenje odgovarajućih računovodstvenih evidencija, koje, u svakom trenutku, s opravdanom tačnošću, prikazuju finansijski položaj Asocijacije. Također, Uprava je dužna pobrinuti se da finansijski izvještaji budu u skladu sa Međunarodnim standardima finansijskog izvještavanja. Pored toga, Uprava je odgovorna za zaštitu imovine Asocijacije, te za poduzimanje opravdanih koraka za sprečavanje i otkrivanje prevara i drugih nepravilnosti.

Potvrđujemo, u našem najboljem saznanju, sljedeće izjave:

- Nije bilo nepravilnosti koje bi značajnije utjecale na finansijske izvještaje ili u kojima je sudjelovao menadžment ili zaposlenici sa značajnim ulogama u računovodstvenom sistemu i sistemu internih kontrola;
- Stavili smo Vam na raspolaganje sve poslovne knjige i potkrepljujuću dokumentaciju o poslovanju Asocijacije za revidirani period;
- U finansijskim izvještajima nema značajnih pogrešnih prikazivanja niti propusta;
- Asocijacija je postupila u skladu sa svim aspektima odredbi zaključenih ugovora, koje bi, u slučajevima nepridržavanja, mogle imati značajne efekte na finansijske izvještaje;
- Nije bilo neusklađenosti sa zakonskim i drugim propisima koje bi mogle imati značajne efekte na finansijske izvještaje;
- Nemamo planova niti namjera koje bi mogle da značajno izmijene knjigovodstvenu vrijednost ili klasifikaciju sredstava ili obaveza prikazanih u finansijskim izvještajima;
- Nema pokrenutih niti se, prema našim saznanjima, očekuje da budu pokrenuti sudski sporovi protiv Asocijacije, osim onih na koje smo Vam skrenuli pažnju tokom revizije.

Za i u ime Uprave AMUS Sarajevo

Lejla Trnčić



Sarajevo, 29.03.2017. godine

S a d r Ź a j

Stranica

IZVJEŠTAJ O OBAVLJENOJ REVIZIJI.....	1
OSNOVNI PODACI O AMUS-u.....	4
RAČUNOVODSTVENE POLITIKE.....	5
FINANSIJSKI IZVJEŠTAJI.....	7

ZABILJEŠKE UZ FINANSIJSKE IZVJEŠTAJE:

1. PRIHODI I RASHODI	9
2. STALNA SREDSTVA	14
3. TEKUĆA SREDSTVA.....	14
4. TRAJNI IZVORI	17
5. OBAVEZE	17
6. NOVČANI TOKOVI.....	18
7. UGOVORI SA KORISNICIMA AUTORSKIH PRAVA	19
8. RASPODJELA AUTORSKIH NAKNADA	22
9. KONTROLA POREZNE UPRAVE FBIH	24
10. IZVJEŠTAJ O SUDSKIM SPOROVIMA	28



Revizija. Računovodstvo. Finansijski konsalting
Azize Šaćirbegović bb, Sarajevo

IZVJEŠTAJ NEZAVISNOG REVIZORA

Članovima AMUS

Obavili smo reviziju finansijskih izvještaja **Asocijacije kompozitora - muzičkih stvaralaca (AMUS)**, koji obuhvataju bilans stanja na dan 31.12.2017. godine, bilans uspjeha, izvještaj o novčanim tokovima i izvještaj o promjenama na kapitalu za godinu koja je tada završila, te bilješke uz finansijske izvještaje, uključujući i sažetak značajnih računovodstvenih politika.

Mišljenje o finansijskim izvještajima AMUS

Prema našem mišljenju, finansijski izvještaji AMUS-a predstavljaju istinito, u svim značajnim aspektima, finansijski položaj AMUS-a na dan 31.12.2017. godine, rezultat poslovanja, promjene u kapitalu i novčani tok za period od 01.01. do 31.12.2017. godine, u skladu sa Međunarodnim standardima finansijskog izvještavanja.

Mišljenje o finansijskom poslovanju AMUS

Prema našem mišljenju, finansijsko poslovanje AMUS tokom 2017. godine je, u svim značajnim aspektima, usklađeno sa Zakonom o kolektivnom ostvarivanju autorskog i srodnih prava, aktima AMUS-a i zaključenim ugovorima.

Ne uslovljavajući naše mišljenje o finansijskim izvještajima za godinu koja završava na dan 31.12.2017. godine kao ni mišljenje o finansijskom poslovanju AMUS tokom 2017. godine, skrećemo pažnju na implikacije Rješenja Porezne uprave FBiH br. 13-09-02-15-11-480/15 od 03.06.2016. godine po finansijski položaj Asocijacije AMUS (detaljnije u zabilješci 9. Kontrola Porezne uprave FBiH).

Osnova za mišljenje

Obavili smo našu reviziju u skladu s Međunarodnim revizijskim standardima (MRevS-ima). Naše odgovornosti prema tim standardima su detaljnije opisane u našem izvještaju u odjeljku o revizorovim odgovornostima za reviziju finansijskih izvještaja. Nezavisni smo od Udruženja u skladu s Kodeksom etike za profesionalne računovođe Odbora za međunarodne standarde etike za računovođe (IESBA) i ispunili smo naše ostale etičke odgovornosti u skladu s IESBA

AMUS Sarajevo
Revizija finansijskih izvještaja za 2017. godinu

Kodeksom. Uvjereni smo da su revizorski dokazi koje smo prikupili dovoljni i primjereni kao osnova za izražavanje našeg mišljenja.

Ostale informacije

Uprava je odgovorna za ostale informacije. Ostale informacije sadrže informacije uključene u godišnji izvještaj, ali ne uključuju godišnje finansijske izvještaje i naš revizorski izvještaj.

Naše mišljenje o finansijskim izvještajima ne obuhvata ostale informacije i mi ne izražavamo bilo koji oblik zaključka s izražavanjem uvjerenja o njima.

U vezi s našom revizijom finansijskih izvještaja, naša je odgovornost pročitati ostale informacije i, u provođenju toga, razmotriti jesu li ostale informacije značajno protivrječne finansijskim izvještajima ili našim saznanjima stečenim u reviziji ili se drugačije čini da su značajno pogrešno prikazane. Ako, na osnovu posla koji smo obavili, zaključimo da postoji značajan pogrešan prikaz tih ostalih informacija, od nas se zahtijeva da objavimo tu činjenicu. U tom smislu mi nemamo nešto za objaviti.

Odgovornosti Uprave

Uprava je odgovorna za sastavljanje i fer prezentaciju finansijskih izvještaja u skladu sa Međunarodnim standardima finansijskog izvještavanja i za one interne kontrole za koje uprava odredi da su potrebne za omogućavanje sastavljanja finansijskih izvještaja koji su bez značajnog pogrešnog prikazivanja uslijed prijevare ili pogreške.

U sastavljanju finansijskih izvještaja, uprava je odgovorna za procjenjivanje sposobnosti Udruženja da nastavi s vremenski neograničenim poslovanjem, objavljivanje, ako je primjenjivo, pitanja povezanih s vremenski neograničenim poslovanjem i korištenjem računovodstvene osnove utemeljene na vremenskoj neograničenosti poslovanja, osim ako uprava ili namjerava likvidirati Udruženje ili prekinuti poslovanje ili nema realne alternative nego da to učini.

Revizorove odgovornosti za reviziju finansijskih izvještaja

Naši ciljevi su steći razumno uvjerenje o tome jesu li finansijski izvještaji kao cjelina bez značajnog pogrešnog prikaza uslijed prijevare ili pogreške i izdati revizorski izvještaj koji uključuje naše mišljenje. Razumno uvjerenje je viši nivo uvjerenja, ali nije garancija da će revizija obavljena u skladu s MRevs-ima uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prijevare ili pogreške i smatraju se značajnim ako se razumno može očekivati da, pojedinačno ili u zbiru, utječu na ekonomske odluke korisnika donijete na osnovu tih finansijskih izvještaja.

Kao sastavni dio revizije u skladu s MRevs-ima, stvaramo profesionalne procjene i održavamo profesionalni skepticizam tokom revizije. Mi također:

AMUS Sarajevo
Revizija finansijskih izvještaja za 2017. godinu

- prepoznamo i procjenjujemo rizike značajnog pogrešnog prikazivanja finansijskih izvještaja, zbog prijevare ili pogreške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog uslijed prijevare je veći od rizika nastalog uslijed pogreške, jer prijevara može uključiti tajne sporazume, krivotvorenje, namjerno ispuštanje, pogrešno prikazivanje ili zaobilaženje internih kontrola.
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u danim okolnostima, ali ne i za svrhu izražavanja mišljenja o djelotvornosti internih kontrola Udruženja.
- ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorila uprava.
- zaključujemo o primjerenosti korištene računovodstvene osnove zasnovane na vremenskoj neograničenosti poslovanja koju koristi uprava i, zasnovano na pribavljenim revizijskim dokazima, zaključujemo o tome postoji li značajna neizvjesnost u vezi s događajima ili okolnostima koji mogu stvarati značajnu sumnju u sposobnost Udruženja da nastavi s vremenski neograničenim poslovanjem. Ako zaključimo da postoji značajna neizvjesnost, od nas se zahtijeva da skrenemo pažnju u našem revizorskom izvještaju na povezane objave u finansijskim izvještajima ili, ako takve objave nisu odgovarajuće, da modificiramo naše mišljenje. Naši zaključci se zasnivaju na revizijskim dokazima pribavljenim sve do datuma našeg revizorskog izvještaja. Međutim, budući događaji ili uslovi mogu uzrokovati da Udruženje prekine s vremenski neograničenim poslovanjem.
- ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

RECONS d.o.o. Sarajevo

Nedžad Grcić, direktor

Sarajevo, 29.03.2018. godine



Ovlašteni revizori

Damir Nurkić, licenca br. 3090029129

AMUS Sarajevo
Revizija finansijskih izvještaja za 2017. godinu

II OSNOVNI PODACI O AMUS-u

AMUS je Udruženje „Asocijacija kompozitora-muzičkih stvaralaca“ osnovano još 1946. godine. U decenijama postojanja kroz evidenciju je prošlo više hiljada članova. U postratnom periodu Udruženje je nastavilo svoj rad te je upisano u registar udruženja Ministarstva pravde Bosne i Hercegovine. Izmjene i dopune Statuta AMUS-a i usklađivanje sa odredbama novog Zakona o kolektivnom ostvarivanju autorskog i srodnih prava i Zakona o udruženjima i fondacijama su registrovane Rješenjem Ministarstva pravde broj: 01/6-67-RS/02 od 12.01.2012.godine. Posljednje izmjene i dopune, uključujući i upis novog Statuta AMUS-a u Registar udruženja Ministarstva pravde Bosne i Hercegovine, izvršene su 08.03.2016. godine.

Sjedište AMUS-a je u Sarajevu, Trg solidarnosti 2. Adrese podružnica AMUS-a su: Banjaluka, ulica Kralja Petra I Karađorđevića 85; Mostar, ulica Kneza Branimira bb.

Djelatnost AMUS-a je kolektivno ostvarivanje prava autora muzičkih djela.

Predsjednik Skupštine AMUS-a je Edin Dervišhalidović, a potpredsjednik je Mladen Matović.

Članovi Upravnog odbora su:

- Davor Sučić, predsjednik
- Nedim Babović, potpredsjednik
- Igor Vukojević, član
- Amir Šehić, član
- Nedžad Imamović, član
- Ibro Mangafić, član do 20.12.2017. godine
- Maja Sarihodžić, član do 16.05.2017. godine
- Enver Šadinlija, član od 20.12.2017. godine
- Almir Ajanović, član od 20.12.2017. godine do 21.02.2018. godine

Članovi Nadzornog odbora su:

- Hamza Ražnatović, predsjednik
- Almas Smajlović, član
- Zijo Rizvanbegović, član

Generalni direktor Stručne službe je Lejla Trnčić (od 15.12.2015. godine kao vršilac dužnosti, a od 05.01.2016. godine na mandatni period od 5 godina).

AMUS je registrovan za direktne poreze pod brojem 4200960120004, a za indirektne poreze pod brojem 200960120004.

Platni promet AMUS-a obavlja se putem transakcijskog računa kod Unicredit banke broj 3389002205862169. U 2015. godini je otvoren devizni račun (EUR) kod Unicredit banke.

Prosječan broj zaposlenih u 2017. godini je 18 (2016: 16).

III PRIMIJENJENE RAČUNOVODSTVENE POLITIKE

Finansijski izvještaji za 2017. godinu sačinjeni su u skladu sa odredbama Zakona o računovodstvu i reviziji, Međunarodnim standardima finansijskog izvještavanja (MSFI) i Računovodstvenim politikama AMUS Sarajevo. Valuta izvještavanja je konvertibilna marka (1 EUR = 1,9558 KM). Udruženje je pripremlilo svoje finansijske izvještaje u skladu sa računovodstvenom osnovom nastanka događaja, osim Izvještaja o novčanim tokovima koji je pripremljen na gotovinskoj osnovi. Primijenjene računovodstvene politike AMUS Sarajevo su usklađene sa odredbama Međunarodnih računovodstvenih standarda (MRS).

Prihodi i rashodi

Prihodi od pružanja usluga su priznati po izvršenju i fakturisanju usluga, koje kupac nije osnovano osporio.

Rashodi su priznati u bilansu uspjeha na obračunskoj osnovi. Priznavanje rashoda vrši se istodobno sa priznavanjem povećanja obaveza ili smanjenja sredstava.

Stalna sredstva

Stalna sredstva se početno vrednuju po nabavnoj vrijednosti. Nakon početnog priznavanja, stalna sredstva se iskazuju po nabavnoj vrijednosti umanjenoj za akumuliranu amortizaciju i gubitke od umanjenja vrijednosti. Amortizacija se obračunava tokom procijenjenog vijeka trajanja dugotrajne imovine.

Potraživanja od kupaca i obaveze prema dobavljačima

Potraživanja od kupaca se iskazuju u iznosima za koje se očekuje da će biti naplaćeni, odnosno po fakturnoj vrijednosti umanjenoj za ispravku vrijednosti (otpis potraživanja).

Obaveze prema dobavljačima se iskazuju u iznosima za koje se očekuje da će biti plaćeni, odnosno po fakturnoj vrijednosti.

Rezervisanja za autorske honorare

Rezervisanja za autorske honorare (odložene obaveze) na datum bilansiranja se evidentiraju u iznosu pozitivne razlike između ukupne imovine AMUS na datum bilansiranja i tekućih obaveza na isti dan.

Trošak rezervisanja za autorske honorare za period izvještavanja jednak je razlici u visini rezervisanja za autorske honorare na početku i na kraju perioda izvještavanja.

AMUS Sarajevo
Revizija finansijskih izvještaja za 2017. godinu

Rezultat perioda

Višak prihoda nad rashodima se, prije sačinjavanja finansijskog izvještaja, raspoređuje u korist rezervacije za autorske honorare, tako da se u bilansu uspjeha iskazuju ukupni prihodi i ukupni rashodi u jednakom iznosu, odnosno rezultat perioda u iznosu od 0 KM.

Višak rashoda nad приходima se, prije sačinjavanja finansijskog izvještaja, pokriva na teret rezervacije za autorske honorare, tako da se u bilansu uspjeha iskazuju ukupni prihodi i ukupni rashodi u jednakom iznosu, odnosno rezultat perioda u iznosu od 0 KM.

Trajni izvori

Obzirom da se ukupna imovina AMUS, nakon podmirenja tekućih obaveza, rezerviše na ime budućih isplata autorskih honorara članovima AMUS, trajni izvori Udruženja se na datum bilansiranja iskazuju u iznosu od 0 KM.

Primanja zaposlenih

U ime svojih zaposlenika, Udruženje plaća doprinose za socijalno osiguranje (PIO, zdravstvo, nezaposlenost) na i iz plate, koji su obračunati na bruto isplaćenu platu, kao i poreze, koji su obračunati na neto isplaćenu platu. Udruženje plaća doprinose u penzijski, zdravstveni i fond nezaposlenosti po zakonskim stopama tokom godine na bruto isplaćenu platu. Topli obrok i ostala prava zaposlenih se isplaćuje u skladu sa domaćim zakonskim propisima. Ovi troškovi su prikazani u bilansu uspjeha u razdoblju u kojem su troškovi nastali.

Ključne računovodstvene procjene i pretpostavke

Kod primjene računovodstvenih politika, Uprava Udruženja donosi odluke, daje procjene i pretpostavke koje utječu na iznose imovine i obaveza, koji se ne mogu izvesti iz ostalih izvora. Procjene i pretpostavke zasnivaju se na prijašnjim i ostalim relevantnim faktorima. Stvarni iznosi se mogu razlikovati od procijenjenih.

Procjene i pretpostavke se stalno preispituju. Izmjene knjigovodstvenih procjena se priznaju u periodu izmjene ukoliko se odnose samo na taj period ili u periodu izmjene i budućim periodima ukoliko izmjena utječe na tekući i buduće periode.

Uprava vjeruje da knjigovodstvena vrijednost finansijskih sredstava i obaveza koja je u finansijske izvještaje unesena prema amortizovanom trošku odgovara njihovoj približnoj fer vrijednosti.

AMUS Sarajevo
Revizija finansijskih izvještaja za 2017. godinu

IV FINANSIJSKI IZVJEŠTAJI

BILANS USPJEHA
za period 01.01.-31.12.2017. godine

Opis	Iznos	
	2017.	2016.
Prihodi od usluga	3.970.535	3.552.263
Prihodi iz budžeta		5.000
Ostali prihodi	3.286	3.570
Ukupni prihodi	3.973.821	3.560.833
Autorski honorari	2.512.063	1.970.849
Primanja zaposlenih	963.754	799.306
Usluge	309.211	325.603
Materijalni troškovi	17.599	21.029
Amortizacija	15.712	10.224
Ostali rashodi	155.482	433.822
Ukupni rashodi	3.973.821	3.560.833
Rezultat	0	0

BILANS STANJA
na dan 31.12.2017. godine

Opis	Iznos	
	31.12.17.	31.12.16.
Oprema i inventar	73.224	48.538
Stalna sredstva	73.224	48.538
Novac	1.130.148	1.641.191
Potraživanja iz poslovanja	1.407.686	1.330.497
Ostala potraživanja	8.250	10.006
Razgraničenja	85.747	85.747
Tekuća sredstva	2.631.831	3.067.441
Aktiva	2.705.055	3.115.979
Neraspoređeni višak prihoda	0	0
Trajni izvori	0	0
Autorski honorari (rezervisanje)	2.628.731	3.040.876
Tekuće obaveze	73.324	72.103
Pozajmice	3.000	3.000

AMUS Sarajevo
Revizija finansijskih izvještaja za 2017. godinu

Obaveze	2.705.055	3.115.979
<hr/>		
Pasiva	2.705.055	3.115.979

IZVJEŠTAJ O NOVČANIM TOKOVIMA
za period 01.01.-31.12.2017. godine

Opis	Iznos	
	2017.	2016.
Višak prihoda/rashoda	0	0
Amortizacija	15.712	10.224
Smanjenje (povećanje) potraživanja	-75.433	-45.964
Smanjenje (povećanje) razgraničenja	0	0
Povećanje (smanjenje) tekućih obaveza	1.221	27.420
Povećanje (smanjenje) rezervisanja	-412.145	848.785
A) Novčani tok operativnih aktivnosti	-470.644	840.465
Nabavka stalnih sredstava	-40.399	-31.530
B) Novčani tok ulagačkih aktivnosti	-40.399	-31.530
Primljenje (vraćene) pozajmice	0	0
C) Novčani tok finansijskih aktivnosti	0	0
Neto novčani tok od sveukupnih aktivnosti		
(A+B+C)	-511.043	808.935
Novac na početku perioda	1.641.191	832.257
Novac na kraju perioda	1.130.148	1.641.191

IZVJEŠTAJ O PROMJENAMA U KAPITALU
za 2017. godinu

Opis	Iznos
Neraspoređeni višak prihoda na 31.12.2015.	0
Rezultat za period 01.01.-31.12.2016.	0
Neraspoređeni višak prihoda na 31.12.2016.	0
Rezultat za period 01.01.-31.12.2017.	0
Neraspoređeni višak prihoda na 31.12.2017.	0

AMUS Sarajevo
Revizija finansijskih izvještaja za 2017. godinu

V ZABILJEŠKE UZ FINANSIJSKE IZVJEŠTAJE

1. PRIHODI I RASHODI

U bilansu uspjeha za period 01.01.-31.12.2017. godine su iskazani ukupni prihodi u iznosu od 3.973.821 KM, odnosno ukupni rashodi u istom iznosu.

1.1. Prihodi

1.1.1. Prihodi od usluga

Prihodi od usluga ostvareni u 2017. godini, u ukupnom iznosu od 3.970.535 KM, odnose se na sljedeće kategorije korisnika usluga organizacije AMUS:

Opis	Iznos	
	2017.	2016.
Kablovski emiteri	2.114.816	1.992.212
RTV emiteri	478.534	438.408
Tržni centri i ugostitelji	509.375	379.348
Korisnici paušalci	324.394	250.778
Prihodi preko zastupnika	329.119	279.992
Koncerti	106.282	108.448
Inozemni prihodi	108.015	103.077
Prihodi od usluga	3.970.535	3.552.263

Prihodi ostvareni preko zastupnika u iznosu od 329.119 KM odnose se na kategorije tržni centri, ugostitelji i paušalci, gdje su uz posredovanje zastupnika zaključeni ugovori, uz naknadu zastupniku u iznosu naknade po ugovoru za jedan mjesec.

Inozemni prihodi u iznosu od 108.015 KM odnose se na prihode od inostranih organizacija za zaštitu autorskih prava: ZAMP u iznosu od 69.037 KM, SOKOJ u iznosu od 35.895 KM i ostale organizacije 3.082 KM.

1.1.2 Ostali prihodi

Iskazani su ostali prihodi u iznosu od 3.286 KM, što se odnosi na sljedeće stavke:

Opis	Iznos	
	2017.	2016.
Prihodi iz budžeta		5.000
Prihodi iz ranijeg perioda	3.215	3.390

AMUS Sarajevo
Revizija finansijskih izvještaja za 2017. godinu

Ostali prihodi	71	180
Ostali prihodi	3.286	8.570

1.2. Rashodi

1.2.1. Autorski honorari

Troškovi autorskih honorara, obračunati za period 01.01.-31.12.2017. godine u iznosu od 2.512.063 KM, se sastoje iz autorskih honorara isplaćenih tokom 2017. godine (za 2016. godinu i za period 01.01.-30.06.2017. godine) i promjene rezervacije za autorske honorare koji će biti isplaćeni u budućem periodu, kako slijedi:

Opis	Iznos	
	2017.	2016.
Autorski honorari (isplate)	2.924.207	1.122.064
Autorski honorari (promjena rezervacije)	-412.145	848.785
Autorski honorari (ukupno)	2.512.063	1.970.849

Autorski honorari isplaćeni tokom 2017. godine u ukupnom iznosu od 2.924.207 KM se sastoje od netto iznosa i poreza na dohodak kako slijedi:

Opis	Iznos	
	2017.	2016.
Netto naknade od autorskih prava	2.388.942	946.486
Porez na dohodak	188.511	78.959
Isplate stranim organizacijama	346.754	96.619
Autorski honorari isplate	2.924.207	1.122.064

U okviru netto naknada od autorskih prava u ukupnom iznosu od 2.388.942 KM, iznos od 2.356.387 KM pripao je autorima fizičkim licima, a iznos od 32.555 KM pripao je pravnim licima (publisherima).

Isplate stranim kolektivnim organizacijama u ukupnom iznosu od 346.754 KM odnose se na SOKOJ (distribucija za 2014. i 2015. godinu) u iznosu od 216.443 KM, ZAMP (distribucija za 2015. godinu) u iznosu od 114.510 KM i BMI (distribucija za 2014. i 2015. godinu) u iznosu od 15.802 KM.

AMUS Sarajevo
Revizija finansijskih izvještaja za 2017. godinu

Umanjenje rezervisanja za autorske honorare u 2017. godini (storno rashoda) u iznosu od 412.145 KM predstavlja razliku između rezervisanog iznosa (odložene obaveze) na dan 31.12.2017. godine u iznosu od 2.628.731 KM i rezervisanog iznosa (odložene obaveze) na dan 31.12.2016. godine u iznosu od 3.040.876 KM.

1.2.2. Primanja zaposlenih

Troškovi zaposlenih i vanjskih saradnika Asocijacije, koji su u 2017. godini iznosili ukupno 963.754 KM, imaju sljedeću strukturu:

Opis	Iznos	
	2017.	2016.
Troškovi plata	476.370	420.483
Ostala prava zaposlenih	50.334	64.295
Dnevnice i putni troškovi	35.558	61.095
Ostali angažmani fizičkih lica	401.493	253.433
Primanja zaposlenih	963.754	799.306

1. Troškovi plata zaposlenih se sastoje iz netto plate, poreza, doprinosa i ostalih dažbina kako slijedi:

Opis	Iznos	
	2017.	2016.
Netto od poreza	271.728	239.356
Doprinosi	177.117	156.257
Porez na dohodak	22.659	20.597
Naknade (dažbine)	4.866	4.273
Plate	476.370	420.483

2. Ostala prava zaposlenih se odnose na sljedeće stavke:

Opis	Iznos	
	2017.	2016.
Topli obrok	32.826	45.469
Prevoz radnika	11.208	8.228
Regres	5.600	8.936
Ostala prava zaposlenih	700	1.662
Ostala prava zaposlenih	50.334	64.295

AMUS Sarajevo
Revizija finansijskih izvještaja za 2017. godinu

3. Dnevnice i putni troškovi su obračunati kako slijedi:

Opis	Iznos	
	2017.	2016.
Dnevnice	7.748	8.698
Noćenje i prijevoz	20.792	38.864
Upotreba privatnog vozila	7.018	13.533
Dnevnice i putni troškovi	35.558	61.095

4. Naknade vanjskim saradnicima u ukupnom iznosu od 401.493 KM (brutto, sa dažbinama) se odnose na:

- upravni odbor i nadzorni odbor u ukupnom iznosu od 122.248 KM (netto naknada 100.051 KM, dažbine 22.197 KM);
- predsjedništvo u ukupnom iznosu od 17.450 KM (netto naknada 14.617 KM, dažbine 2.833 KM);
- radna tijela u ukupnom iznosu od 15.822 KM (netto naknada 13.100 KM, dažbine 2.722 KM);
- ostali ugovori u ukupnom iznosu od 220.358 KM (netto naknada 177.870 KM, dažbine 42.488 KM);
- spoljnji saradnici (agenti) u ukupnom iznosu od 25.615 KM (netto naknada 23.534 KM, dažbine 2.081 KM).

1.2.3. Usluge

Troškovi vanjskih usluga za period 01.01.-31.12.2017. godine u ukupnom iznosu od 309.211 KM se odnose na sljedeće stavke:

Opis	Iznos	
	2017.	2016.
Zakupnine, licence, održavanje	72.359	55.550
Marketing i reprezentacija	16.411	37.046
Bankarske provizije i premije osiguranja	12.501	6.121
Telekom, hosting, web dizajn i sl.	49.085	37.978
Advokati, knjigovodstvo, revizija, konsalting	97.037	135.609
Takse, naknade i članarine	14.314	19.194
Ostali troškovi poslovanja	47.504	34.105
Troškovi usluga	309.211	325.603

AMUS Sarajevo
Revizija finansijskih izvještaja za 2017. godinu

1.2.4. Materijalni troškovi

Materijalni troškovi nastali u 2017. godini u iznosu od 17.599 KM imaju sljedeću strukturu:

Opis	Iznos	
	2017.	2016.
Materijal	11.230	15.292
Sitan inventar	1.657	908
Energija	4.711	4.829
Materijalni troškovi	17.599	21.029

1.2.5. Amortizacija

Obračunata je amortizacija inventara i opreme za 2017. godinu u iznosu od 15.712 KM (2016: 10.224 KM).

1.2.6. Ostali rashodi

Ostali rashodi iskazani u ukupnom iznosu od 155.482 KM se odnose na sljedeće stavke:

Opis	Iznos	
	2017.	2016.
Humanitarni rashodi	39.350	136.284
Troškovi kulturne namjene	115.832	246.629
Ostali rashodi	302	50.909
Ostali rashodi	155.482	433.822

AMUS Sarajevo
Revizija finansijskih izvještaja za 2017. godinu

2. STALNA SREDSTVA

U bilansu stanja na dan 31.12.2017. godine su iskazana stalna sredstva u iznosu od 73.224 KM. Promjene na ovoj bilansnoj poziciji su knjigovodstveno evidentirane kako slijedi:

R. br.	O P I S	Inventar i oprema	Vozila	Ukupno
NABAVNA VRIJEDNOST				
1	Početno stanje 01.01.2017.	75.288	0	75.288
2	Nabavke u 2017. god.	5.803	34.596	40.399
3	Prodaje i rashodovanja			
4	Stanje 31.12.2017. godine	81.091	34.596	115.687
ISPRAVKA VRIJEDNOSTI				
5	Početno stanje 01.01.2017.	26.750	0	26.750
6	Amortizacija 2017. god.	13.478	2.234	15.712
7	Prodaje i rashodovanja			
8	Stanje 31.12.2017. godine	40.228	2.234	42.462
SADAŠNJA VRIJEDNOST				
	Stanje 01.01.2017. (1-5)	48.538	0	48.538
	Stanje 31.12.2017. (4-8)	40.863	32.361	73.224

U 2017. godini su nabavljena stalna sredstva u iznosu od 40.399 KM (2016: 31.530 KM), od čega se 34.596 KM odnosi na putničko vozilo Škoda Octavia Combi A7 Active 1,6 TDI.

Obračunata je amortizacija stalnih sredstava za 2017. godinu u iznosu od 15.712 KM (2016: 10.224 KM).

3. TEKUĆA SREDSTVA

3.1. Novac

U bilansu stanja na dan 31.12.2017. godine je iskazan novac na žiro računu i u blagajni u iznosu od 1.130.148 KM, kako slijedi:

Opis	Iznos	
	31.12.17.	31.12.16.
Žiro račun Unicredit KM	1.056.370	1.530.261

AMUS Sarajevo
Revizija finansijskih izvještaja za 2017. godinu

Devizni račun Unicredit EUR	73.187	109.507
Blagajna	591	1.424
Novac	1.130.148	1.641.191

Sve novčane transakcije u vezi sa naplatom naknada od korisnika muzičkih autorskih prava vršene su bezgotovinski, preko transakcijskog računa kod Unicredit banke d.d. Mostar.

Sve novčane transakcije u vezi sa isplatom tantijema imaojcima autorskih prava, primanja zaposlenih i vanjskih članova (nadzorni odbor, upravni odbor, predsjedništvo, ugovori o djelu) vršene su bezgotovinski, u skladu sa propisima koji regulišu finansijsko poslovanje.

Putem blagajne su tokom 2017. godine vršena plaćanja sitnih materijalnih troškova u ukupnom iznosu od 12.777 KM, u skladu sa Uredbom o uslovima i načinu plaćanja gotovim novcem.

3.2. Potraživanja iz poslovanja

U bilansu stanja na dan 31.12.2017. godine su iskazana potraživanja iz poslovanja u iznosu od 1.407.686 KM, po kategorijama korisnika kako slijedi:

Opis	Iznos	
	31.12.17.	31.12.16.
Kupci paušal	205.464	151.018
Kupci RTV emiteri	425.636	391.907
Kupci koncerti	47.164	46.646
Kupci kablovski emiteri	233.917	288.684
Kupci tržišni centri	31.767	28.764
Kupci hoteli	23.037	16.074
Sumnjiva i sporna potraživanja	299.639	301.345
Kupci (preko agenta)	141.060	106.058
Potraživanja iz poslovanja	1.407.686	1.330.497

U toku 2017. godine su fakturisana brutto potraživanja (sa uključenim PDV-om) u ukupnom iznosu od 4.628.395 KM (2016: 4.141.692 KM), a naplaćena u ukupnom iznosu od 4.551.205 (2016: 4.037.734 KM).

3.3. Ostala potraživanja

U bilansu stanja na dan 31.12.2017. godine su iskazana ostala potraživanja u iznosu od 8.250 KM.

AMUS Sarajevo
Revizija finansijskih izvještaja za 2017. godinu

Opis	Iznos	
	31.12.17.	31.12.16.
Depozit	8.250	0
Akontacije tantijema	0	9.506
Pozajmice	0	500
Ostala potraživanja	8.250	10.006

Depozit u iznosu od 8.250 KM deponovan je kod Grawe nekretnine d.o.o. Sarajevo u skladu sa ugovorom o zakupu poslovnih prostorija na adresi Trg solidarnosti 2.

3.4. Kratkoročna razgraničenja

U bilansu stanja na dan 31.12.2017. godine su iskazana kratkoročna razgraničenja u iznosu od 85.747 KM, što se odnosi na dio izlaznog PDV naknadno obračunatog od strane inspekcije UINO, koji AMUS potražuje od kablovskih emitera članova AKOP BiH.

Opis	Iznos	
	31.12.17.	31.12.16.
Kratk. razgr. – AKOP BiH	85.747	85.747

AMUS Sarajevo
Revizija finansijskih izvještaja za 2017. godinu

4. TRAJNI IZVORI

U bilansu stanja na dan 31.12.2017. godine su iskazani trajni izvori (neraspoređeni višak prihoda nad rashodima) u iznosu od 0 KM, kako slijedi:

Opis	Iznos	
	31.12.17.	31.12.16.
Neraspoređeni višak prihoda	0	0

5. OBAVEZE

5.1. Tekuće obaveze

U bilansu stanja na dan 31.12.2017. godine su iskazane tekuće obaveze u iznosu od 73.324 KM, što se odnosi na sljedeće stavke:

Opis	Iznos	
	31.12.17.	31.12.16.
Dobavljači	18.260	993
Naknade fizičkim licima	3.245	32.683
Porez na dodanu vrijednost	51.819	38.428
Tekuće obaveze	73.324	72.103

Obaveze prema dobavljačima na dan 31.12.2017. godine u iznosu od 18.260 KM odnose se na dug prema Unicredit banci po osnovu lizing aranžmana za putničko vozilo kupljeno na 12 mjesečnih rata. Lizing će biti otplaćen u avgustu 2018. godine.

Obaveza za PDV na dan 31.12.2017. godine se odnosi na PDV prijavu za decembar 2017. godine. Promjene na poziciji obaveze za PDV tokom 2017. godine:

Opis	Iznos	
	Potraživanja	Obaveze
Početno stanje		38.428
Izlazni PDV		655.888
Ulazni PDV	40.710	
Plaćeni PDV	601.786	
Ukupno	642.496	694.316
Saldo		51.819

AMUS Sarajevo
Revizija finansijskih izvještaja za 2017. godinu

5.2. Pozajmice

Na ovoj bilansnoj poziciji na dan 31.12.2017. godine je iskazana obaveza za pozajmicu iz ranijeg perioda u iznosu od 3.000 KM.

Opis	Iznos	
	31.12.17.	31.12.16.
UZUS (pozajmica)	3.000	3.000

5.3. Autorski honorari (rezervisanje)

U bilansu stanja na dan 31.12.2017. godine je iskazana rezervacija za autorske honorare u iznosu od 2.628.731 KM, kako slijedi:

Opis	Iznos	
	31.12.17.	31.12.16.
Autorski honorari (rezervisanje)	2.628.731	3.040.876

Promjena u visini rezervisanog iznosa (obaveze) na dan 31.12.2017. godine u odnosu na rezervisani iznos (obavezu) na dan 31.12.2016. godine jednaka je promjeni rezervacije za autorske honorare (umanjenje rashoda) u bilansu uspjeha za period 01.01.-31.12.2017. godine (-412.145 KM).

6. NOVČANI TOKOVI

U 2017. godini je ostvaren negativan novčani tok (ukupni odlivi veći od ukupnih priliva) u iznosu od 511.043 KM (početna gotovina 1.641.191 KM, krajnja gotovina 1.130.148 KM). Od navedenog iznosa, neto novčani odlivi u iznosu od 470.644 KM se odnosi na operativne aktivnosti Udruženja, dok se iznos odliva od 40.399 KM odnosi na nabavku opreme i inventara.

7. UGOVORI SA KORISNICIMA AUTORSKIH PRAVA

Članom 23. stav 1. Zakona o kolektivnom ostvarivanju autorskog i srodnih prava („Sl. glasnik BiH“, br. 63/10) propisano je da se visina i način izračunavanja naknade koju korisnik mora da plati kolektivnoj organizaciji za korištenje autorskog djela iz njenog repertoara određuje tarifom. Prema stavu 2. istog člana tarifa se određuje kolektivnim ugovorom između kolektivne organizacije i reprezentativnog udruženja korisnika ili, ako to nije moguće, ugovorom sa pojedinačnim korisnikom, odnosno odlukom Vijeća za autorsko pravo. Do drukčije pravosnažne odluke Vijeća za autorsko pravo, smatra se da su tarife određene spomenutim ugovorima primjerene.

U skladu sa citiranim odredbama Zakona o kolektivnom ostvarivanju autorskog i srodnih prava, tarife su utvrđene jednim kolektivnim i pojedinačnim ugovorima prema kategorijama korisnika autorskih muzičkih djela.

Revizijom su obuhvaćeni pojedinačni ugovori, odabrani metodom slučajnog uzorka, sa ciljem utvrđivanja da li su ugovorene naknade u skladu sa važećim tarifama, odnosno da li su naknade ugovorene jednoobrazno za sve kategorije korisnika autorskih prava. Ugovori su grupisani po kategorijama korisnika, kako slijedi:

7.1. Elektronski mediji (RTV emiteri)

AMUS je zaključio Kolektivni ugovor sa Reprezentativnim udruženjem korisnika, koga čine tri asocijacije emitera: Asocijacija privatnih radio i TV stanica BiH (PEM), Asocijacija elektronskih medija u BiH (AEM) i Udruženje lokalnih radio stanica RS (URS).

Kolektivni ugovor je objavljen u „Službenom glasniku BiH“, br. 80/12 od 01.10.2012. godine, nakon čega su uslijedili aneksi Ugovora. Anex I Ugovora objavljen je u „Službenom glasniku BiH“, br. 25/13 od 02.04.2013. godine, anex II u „Službenom glasniku BiH“, br. 70/13 od 10.09.2013. godine, a anex III u „Službenom glasniku BiH“, br. 36/16 od 17.05.2016. godine.

RTV emiterima se u skladu sa Aneksom III Kolektivnog ugovora u vezi sa korištenjem muzičkih djela emitovanjem (Službeni glasnik BiH br. 36/16) od mjeseca juna 2016. godine obračunava autorska naknada kako slijedi:

- 2,40% za korisnika koji emituje radio program,
- 1,80% za korisnika koji emituje rtv program,
- 1,20% za korisnika koji emituje tv program.

na osnovicu propisanu članom 8. Kolektivnog ugovora, a na osnovu propisanog obrasca.

Korisnicima se do dostavljanja finansijske dokumentacije potrebne za obračun autorske naknade u 2017. godini nastavlja fakturisati iznos koji se fakturisao u 2016. godini sve dok ne dostave dokumentaciju za obračun za 2017. godinu, a razlika se nakon obračuna reguliše putem knjižnih obavijesti.

AMUS Sarajevo
Revizija finansijskih izvještaja za 2017. godinu

Bitno je napomenuti da se postotak po aneksu III kolektivnog Ugovora primjenjuje i u slučaju da emiter nije dostavio potpisan aneks na pojedinačan Ugovor jer je Kolektivni ugovor sa pripadajućim Aneksi obavezujući za sve emitere.

Izvršili smo kontrolu fakturisanja usluge za sljedećih 5 emitera:

- Face TV
- TV Sarajevo
- Radio Kameleon
- Radio M
- RTV Zenica.

7.2. Kablovski emiteri

U skladu sa trenutno važećom tarifom, kablovskim emiterima se fakturiše godišnja naknada od 3,15 KM + PDV po korisniku. U toku su pregovori sa reprezentativnim udruženjem kablovskih emitera UDMU oko zaključivanja nove Tarife usluga.

Izvršili smo kontrolu fakturisanja kod sljedećih kablovskih operatera:

- AKOP BiH
- BH Telecom
- Telemach

7.3. Tržni centri, trgovinski lanci i poslovno-prodajni prostori

Sa ovom kategorijom korisnika autorskih prava AMUS je zaključivao pojedinačne ugovore, od kojih su ugovori zaključeni sa "BBI Centrom", "Zara BiH" i "DM Drogerie Markt" objavljeni u "Službenom glasniku BiH", br. 70/13 i 34/14 (oglasni dio). Imajući u vidu da sa ovom kategorijom korisnika nije zaključen kolektivni ugovor sa reprezentativnim udruženjem, upućen je poziv za pregovore, koji je objavljen u "Službenom glasniku BiH", br. 53/14 od 02.07.2014. godine.

Izvršili smo kontrolu fakturisanja kod:

- Cosmetic market (cm)
- Tema Retail BA
- TD Marketi (Amko Komerc)

7.4. Ugostiteljstvo i smještaj

Do objavljivanja zvanične Tarife, u ovoj kategoriji korisnika su za fakturisanje naknade bili mjerodavni ugovori zaključeni sa UR Caffè bar "Havana" Sarajevo i hotelom "Pahuljica" d.o.o. Travnik objavljeni u "Službenom glasniku BiH", br. 25/14 (oglasni dio). U Službenom glasniku BiH br. 23/17 (oglasni dio) od 31.03.2017. godine objavljen je Kolektivni ugovor o uslovima za

AMUS Sarajevo
Revizija finansijskih izvještaja za 2017. godinu

korištenje muzičkih djela u ugostiteljskim i smještajnim objektima u BiH sa Tarifom odgovarajućih naknada.

Izvršili smo kontrolu fakturisanja usluge kod sljedećih ugostitelja: Hotel Sarajevo, Lake Hospitality Courtyard i Hotel Central (Templeville Developments).

7.5. Priredbe – koncerti

U Službenom glasniku BiH br. 5/17 (oglasni dio) od 27.01.2017. godine je objavljen Ugovor o neisključivom prijenosu prava za upotrebu zaštićenih autorskih muzičkih djela na kulturno-umjetničkim i zabavnim muzičkim priredbama- koncertima, koji od trenutka objavljivanja važi kao privremena Tarifa usluga u ovoj kategoriji korisnika.

Izvršili smo kontrolu fakturisanja usluge kod KJP Centar Skenderija, IWC Production i PS Produkcija, za po jedan muzički događaj (priredbu - koncert).

Fakturisane naknade za korištenje autorskih muzičkih djela za sve kategorije korisnika u periodu 01.01.-31.12.2017. godine odgovaraju tarifi iz kolektivnog ugovora zaključenog sa reprezentativnim udruženjem korisnika, odnosno pojedinačnim ugovorima zaključenim sa korisnicima ili njihovim asocijacijama. Svi odobreni popusti su usaglašeni sa važećim tarifama.

AMUS Sarajevo
Revizija finansijskih izvještaja za 2017. godinu

8. RASPODJELA AUTORSKIH NAKNADA

Odlukom Upravnog odbora br. 0-01/01-17 od 10.01.2017. godine odobrena je isplata tantijema za obračunski period 01.01. - 31.12.2016. godine u ukupnom iznosu od 1.525.472 KM netto. Slijedi pregled iznosa raspoređenog na članstvo AMUS, odnosno druge kolektivne organizacije:

Opis	Iznos
Članovi AMUS	1.108.348
SOKOJ	183.177
ZAMP	111.507
druge kolektivne organizacije	122.440
Ukupno	1.525.472

Iznos obračunat u korist članova AMUS odnosi se na 609 fizičkih lica i 2 pravna lica.

Odlukom Upravnog odbora br. 0-25/07-17 od 07.07.2017. godine odobrena je isplata tantijema za obračunski period 01.01.2017.-30.06.2017. godine u ukupnom iznosu od 1.645.984 KM netto. Slijedi pregled iznosa raspoređenog na članstvo AMUS, odnosno druge kolektivne organizacije:

Opis	Iznos
Članovi AMUS	1.139.124
SOKOJ	205.004
ZAMP	133.221
druge kolektivne organizacije	168.634
Ukupno	1.645.984

Iznos obračunat u korist članova AMUS odnosi se na 651 fizičkih lica i 2 pravna lica.

Izvršili smo pregled isplata autorima koji su u 2017. godini primili preko 3.000 KM po osnovu tantijema (ukupno 145 autora), kako bismo provjerili usaglašenost kalkuliranih iznosa naknada (tantijema) prema software CoSIS sa efektivnim isplatama za obračunski period 01.01.-31.12.2017. godine. Nismo uočili neusaglašenosti između izvornog obračuna autorskih naknada tantijema (CoSIS) i efektivnih isplata (finansije i računovodstvo). Napomena: Obračunate neto naknade u iznosu manjem od 50 KM se ne isplaćuju (ukupno 5.571 KM tokom 2017. godine), osim na insistiranje autora.

Isplata tantijema vrši se istovremeno sa dostavom izvještaja o obračunu naknade članovima (Distribution Statement, generisan u CoSIS). Članovi imaju pravo podnijeti žalbu na izvršeni obračun u roku od 60 dana od prijema obračuna. Odluku po žalbi autora donosi Upravni odbor, na prijedlog Stručne službe, najdalje 30 dana od dana izvršenog naknadnog obračuna ili ispravke obračuna iz prethodnog stava. Odluka Upravnog odbora je konačna. Fond za žalbe iz koga se isplaćuju ispravke obračuna odnosno naknadni obračuni čine sredstva u iznosu od 5% od

AMUS Sarajevo
Revizija finansijskih izvještaja za 2017. godinu

ukupnog iznosa sredstava obračunatih za isplatu autorima za predmetni obračunski period. Mehanizam podnošenja žalbi je detaljno opisan u članu 22. Godišnjeg plana raspodjele ubranih naknada.

U revidiranom periodu 01.01.-31.12.2017. godine, raspodjela autorskih naknada (tantijema) je, u svim značajnim aspektima, izvršena u skladu sa Zakonom o kolektivnom ostvarivanju autorskog i srodnih prava i Pravilnikom o ostvarivanju autorskih prava.

AMUS Sarajevo
Revizija finansijskih izvještaja za 2017. godinu

9. KONTROLA POREZNE UPRAVE FBiH

Dana 03.06.2016. godine Porezna Uprava FBiH - Odsjek za inspekcijski nadzor, a na osnovu prethodno izvršene kontrole, izdaje Rješenje br. 13-09-02-15-11-480/15 kojim se nalaže obvezniku Asocijacija AMUS da izvrši uplatu dodatno utvrđenih poreznih obaveza, po Zapisniku o inspekcijskom nadzoru br. 13-09-02-15-10-480/15 od 17.05.2016. godine, u ukupnom iznosu od 383.354 KM, od čega se obaveza u iznosu od 312.032 KM odnosi na glavni dug poreza na dohodak, dok se iznos od 71.321 KM odnosi na obračunatu zateznu kamatu, kako slijedi:

R. br.	Vrsta obaveze	Iznos obaveze	Uplaćeno	Za uplatu
1	Porez na dohodak	402.429	90.396	312.032
2	Kamata na porez na dohodak	71.321	0	71.321
	Ukupno	473.750	90.396	383.353

Poreznom kontrolom je obuhvaćen period od 01.01.2010.-25.05.2015. godine. Porezna kontrola je započeta još u maju 2015. godine ali je obustavljena Zaključkom Porezne uprave FBiH br. 13-9-02-15-11-480/15 od 10.06.2015. godine, do obezbjeđenja potrebnih uslova za nastavak kontrole. Prema obrazloženju Zaključka od 10.06.2015. godine, **inspekcijski nadzor nije moguće izvršiti jer je potrebno riješiti prethodno pitanje vezano za osnovicu oporezivanja i porezne obaveze koja proizilazi iz isplata tantijema.**

Dana 28.07.2015. godine, Asocijacija AMUS je Federalnom ministarstvu finansija uputila Upit br. 1497-GD/15. Federalno ministarstvo finansija je ovim aktom informisano o načinu na koji AMUS vrši obračun dažbina. Saglasno stavu Federalnog ministarstva finansija br. 05-02-7461-3/08 od 02.04.2009. godine (Predmet: Primjena odredbi Zakona o porezu na dohodak i Pravilnika o primjeni Zakona o porezu na dohodak koja se odnose na utvrđivanje i plaćanje akontacije poreza na dohodak od povremenog obavljanja drugih samostalnih djelatnosti), Asocijacija AMUS je vršila obračun dažbina (poreza i doprinosa) na autorske honorare kako slijedi: bruto iznos honorara koji AMUS isplaćuje autorima je umanjivan za priznate troškove autora u iznosu od 30% bruto honorara. Asocijacija AMUS obračunava doprinos za zdravstvo po stopi od 4% iz osnovice i doprinos za PIO po stopi od 6% na osnovicu (tzv. "mali doprinosi"), a potom i porez na dohodak po stopi od 10%. Do trenutka porezne kontrole kod AMUS, to je bio jedini zvanični stav Porezne uprave FBiH, kojim se Uprava AMUS rukovodila prilikom obračuna dažbina u vezi za isplata autorskih naknada. Aktom br. 1497-GD/15 od 28.07.2015. godine, Uprava AMUS traži od Ministarstva finansija odgovor da li je navedeni način obračuna dažbina kod AMUS ispravan.

Aktom br. 05-14-2-4978/15 od 28.09.2015. godine, Federalno ministarstvo finansija (FMF) se očituje na AMUS-ov upit. Prema stavu FMF, **"ukupan iznos prikupljenih sredstava od korištenja autorskih muzičkih djela nikako ne može biti predmetom nekog prethodnog**

AMUS Sarajevo
Revizija finansijskih izvještaja za 2017. godinu

umanjenja za troškove po osnovu obavljanja poslova kolektivnog ostvarivanja prava autora muzičkih djela prije nego što ista budu oporezovana”.

Rukovođeni naprijed navedenim Stavom FMF, inspektori Porezne uprave FBiH dovršavaju kontrolu započetu 25.05.2015. godine izdavanjem Zapisnika br. 13-09-02-15-10-480/15 od 17.05.2016. godine a potom i Rješenja br. 13-09-02-15-11-480/15 od 03.06.2016. godine.

Napomena: u postupku inspekcijuskog nadzora, inspektori su utvrdili da je AMUS osim poreza na dohodak, u kontrolisanom period obračunavao i uplaćivao doprinose za PIO (6%) i zdravstvo (4%), ali da iste nije trebao obračunavati i uplaćivati (za kontrolisani period 01.01.2010.-25.05.2015. godine, doprinose za PIO u ukupnom iznosu od 49.641 KM, doprinose za zdravstvo u ukupnom iznosu od 33.120 KM). Porezni obveznik se upućuje da podnese zahtjev za povrat ili za preknjiženje na drugu vrstu prihoda u okviru istih fondova.

Nezadovoljni dodatno utvrđenim poreznim obavezama, Uprava AMUS dana 15.06.2016. godine aktom br. 439-GD/16 ulaže Žalbu na Rješenje br. 13-09-02-15-11-480/15 od 03.06.2016. godine, gdje osporava dodatno utvrđenu poreznu obavezu u cijelosti, zbog pogrešne primjene materijalnih propisa, i to iz sljedećih razloga:

1. pogrešno utvrđena osnovica za obračun poreza na dohodak
2. pogrešno utvrđen trenutak nastanka porezne obaveze
3. korištenje nepotpunog Stava Federalnog ministarstva finansija

1. Pitanje osnovice za obračun poreza na dohodak

Sušтина žalbenih navoda po ovoj tački Žalbe je sadržana u sljedećem:

Do momenta kontrole Porezne uprave FBiH, AMUS je obračun poreza na dohodak vršio na način da je, nakon umanjenja za 30%, na izvršene isplate autorima obračunavao i uplaćivao porez na dohodak po stopi od 10%. Ovakav način obračuna i uplate zasnovan je na primjeni člana 12. stav (4) tačka 3) i člana 15. stav (8) Zakona (povremena samostalna djelatnost). Ovaj način obračuna i uplate poreza u skladu je i sa Instrukcijom Federalnog ministarstva finansija br. 05-02-7461-3/08 od 02.04.2009. godine, a koja je dostavljena Poreznoj upravi FBiH na postupanje.

Međutim, u postupku inspekcijuskog nadzora inspektori Porezne uprave FBiH su tek nakon prekida kontrole, traženja mišljenja i dostavljenog stava FMF br. 05-14-2-4978/15 od 28.09.2015. godine, zauzeli stav da ove isplate imaju karakter prihoda od imovinskih prava i da po tom osnovu trebaju biti oporezovani.

Rukovođeni stavom FMF da poreznu osnovicu za obračun čine ukupno naplaćeni prihodi od autorskih naknada AMUS, bez priznavanja troškova AMUS, Porezna uprava FBiH je za period

AMUS Sarajevo
Revizija finansijskih izvještaja za 2017. godinu

od 01.01.2013. do 25.05.2015. godine izvršila obračun poreza na dohodak kako slijedi u pregledu:

Godina	Naplaćeno od kupaca (sa PDV-om)	Naplaćeno od kupaca (bez PDV-a) (prihod)	Rashodi 20%	Osnovica za oporezivanje	Porez na dohodak
0	1	2 (1/1,17)	3 (2x0,20)	4 (2-3)	5 (4x0,10)
2013	1.976.179	1.689.042	337.808	1.351.233	135.123
2014	2.735.538	2.338.066	467.613	1.870.453	187.045
01.01.-25.05.15.	1.173.804	1.003.251	200.650	802.601	80.260
Ukupno	5.885.520	5.030.359	1.006.072	4.024.287	402.429

Ovaj obračun izvršen je sa pozivom na član 32. stav (3) Zakona o porezu na dohodak koji glasi: „Porez na dohodak od ustupanja imovinskih prava obračunava, obustavlja i uplaćuje isplatilac dohotka kao porez po odbitku istovremeno sa isplatom dohotka i to primjenom stope od 10% na iznos isplaćene naknade umanjen za rashode iz člana 21. stav (5) ovog Zakona, bez prava na lični odbitak iz člana 24. ovog Zakona. Plaćeni porez smatra se konačnom poreznom obavezom i ovaj dohodak porezni obveznik ne unosi u godišnju poreznu prijavu.“

Članom 21. stav (5) Zakona o porezu na dohodak propisano je da rashodi koji se mogu odbiti od prihoda ostvarenih od vremenski ograničenog ustupanja imovinskih prava iznose 20% od prihoda ostvarenog po tom osnovu.

Dakle, prema citiranim odredbama Zakona o porezu na dohodak, osnovica za obračun poreza na dohodak od ustupanja imovinskih prava predstavlja iznos isplaćene naknade autorima umanjen za 20% na ime priznatih rashoda, a ne prihod naplaćen na žiro-račun AMUS umanjen za 20%, kao što su porezni inspektori u postupku kontrole primijenili.

2. Pitanje trenutka nastanka porezne obaveze

Suština žalbenih navoda po ovoj tački Žalbe je sadržana u sljedećem:

Obračun dodatno utvrđene porezne obaveze izvršen je od strane Porezne uprave FBiH sa pozivom na član 32. stav (3) Zakona o porezu na dohodak koji glasi: „Porez na dohodak od ustupanja imovinskih prava obračunava, obustavlja i uplaćuje isplatilac dohotka kao porez po odbitku istovremeno sa isplatom dohotka i to primjenom stope od 10% na iznos isplaćene naknade umanjen za rashode iz člana 21. stav (5) ovog Zakona, bez prava na lični odbitak iz člana 24. ovog Zakona. Plaćeni porez smatra se konačnom poreznom obavezom i ovaj dohodak porezni obveznik ne unosi u godišnju poreznu prijavu.“

AMUS Sarajevo
Revizija finansijskih izvještaja za 2017. godinu

Prema citiranom čl. 32. stav (3) Zakona, porez na dohodak od ustupanja imovinskih prava obračunava, obustavlja i uplaćuje isplatilac dohotka kao porez po odbitku istovremeno sa isplatom dohotka.

Dakle, porezna obaveza nastaje u trenutku isplate dohotka autorima. Trenutak naplate prihoda od strane AMUS ne predstavlja trenutak isplate dohotka autorima, pa ne predstavlja ni trenutak nastanka porezne obaveze.

3. Stav Federalnog ministarstva finansija

Sušтина žalbenih navoda po ovoj tački Žalbe je sadržana u sljedećem:

Opredjeljujuće za nastavak kontrole i utvrđivanje poreznih obaveza za porezne inspektore bilo je mišljenje Federalnog ministarstva finansija od 28.09.2015. godine. Prema mišljenju Uprave AMUS, isto je nepotpuno, bez konkretnih uputa o načinu obračuna poreza na dohodak kod poreznog obveznika AMUS. Nakon toga, Porezna uprava je samoinicijativno, pogrešno tumačeći član 21. stav (5) i član 32. stav (3) Zakona o porezu na dohodak, učinila pogrešnu primjenu materijalnog propisa. Naime, **Zakonom o porezu na dohodak, ni u jednom članu, nije propisano da je osnovica za obračun poreza na dohodak iznos naplaćene autorske naknade (od strane AMUS) umanjen za 20%, niti da je momenat naplate autorske naknade (od strane AMUS) trenutak nastanka porezne obaveze.**

Protiv Rješenja Porezne uprave FBiH br. 13-09-02-15-11-480/15 od 03.06.2016. godine uložena je Žalba br. 439-GD/16 od 15.06.2016. godine.

Prema članu 76. Zakona o Poreznoj upravi FBiH (Sl. novine FBiH br. 33/02, 28/04, 57/09, 40/10, 27/12, 7/13, 71/14 i 91/15), na rješenje Porezne uprave kojim se utvrđuje dodatno razrezana porezna obaveza u postupku kontrole, porezni obveznik ima pravo žalbe. Kad prvostepeni organ nađe da je podnesena žalba dopuštena, pravovremena i izjavljena od ovlaštenog lica, a pobijeno rješenje nije zamijenio novim rješenjem, u skladu sa zakonom, dužan je bez odgađanja, a najkasnije u roku od osam (8) dana od dana prijema žalbe poslati žalbu Ministarstvu na rješavanje. Ministarstvo kao drugostepeni organ rješava po žalbi u roku od trideset (30) dana od dana prijema žalbe od prvostepenog organa. Žalba odlaže izvršenje rješenja.

Prema izjavi Uprave AMUS, nadležno Federalno ministarstvo finansija nije izdalo Rješenje do okončanja aktivnosti na reviziji finansijskih izvještaja za 2017. godinu.

AMUS Sarajevo
Revizija finansijskih izvještaja za 2017. godinu

10. IZVJEŠTAJ O SUDSKIM SPOROVIMA

Prema informacijama koje su nam pružene od strane stručne službe AMUS, Udruženje je u svojstvu tužitelja u sljedećim aktivnim sudskim sporovima (vrijednost spora preko 10.000 KM):

Naziv suprotne strane	Vrijednost spora	Faza postupka	Zaključen ugovor
JP RTV Bosansko-podrinjskog kantona Goražde	10.010 KM	Sudska nagodba zaključena 19.1.2016. godine na iznos od 9.485 KM	Da
Kalman d.o.o. Sarajevo	17.849 KM	Zaključena sudska nagodba 20.5.2015. godine na iznos od 47.172 KM kao i troškove postupka u iznosu od 2.220 KM i 58 KM.	Da
RTM-TV1 d.o.o. Mostar	263.268 KM	U fazi žalbe na presudu. Presudom je usvojen AMUS-ov preinačeni tuzbeni zahtjev u dvostruko većem iznosu od inicijalno postavljenog. Žalba tužitelja od 8.11.2016. se odnosi na ostatak preinačenog tužbenog zahtjeva koji sud nije usvojio. Također podnesena žalba tuženog na presudu 15.11.2016.	Da
OBN	10.010 KM	Zaključena sudska nagodba 4.7.2016. godine.	Da
RTV BiH RTV FBiH RTRS	44.671 KM 57.996 KM 97.539 KM	U fazi pripremnog ročišta.	Ne
Informativno poslovni centar Kozarski vjesnik a.d. Prijedor	15.486 KM	U fazi pripremnog ročišta.	Ne
NIGD "DNN" D.O.O. Banja Luka	11.516 KM	U fazi pripremnog ročišta.	Ne
RADIO KLUB "ISKRA" ŠIPOVO	11.625 KM	U fazi pripremnog ročišta.	Ne
"HIT" d.o.o. Brčko Distrikt	26.319 KM	U fazi pripremnog ročišta.	Ne
RTV "VIKOM" Gradiška d.o.o.	10.754 KM	Čeka se zakazivanje pripremnog ročišta ili presuda zbog propuštanja.	Ne
NTV-IC d.o.o. Kakanj	10.010 KM	U fazi pripremnog ročišta.	Ne
Televizija Jedan d.o.o. Sarajevo	80.000 KM	U fazi glavne rasprave.	Ne

AMUS Sarajevo
Revizija finansijskih izvještaja za 2017. godinu

UR Caffè bar i disco klub Bartolotti Sarajevo	11.100 KM	Zaključena sudska nagodba 25.1.2016. godine na iznos od 11.100 KM kao i PDV u iznosu od 1.887 KM, te ostale troškove u ukupnom iznosu od 4.052 KM	Da
Mrkulić Company d.o.o. Hotel Hollywood Sarajevo	16.800 KM	Faza glavne rasprave.	Ne
UR Hotel Rimski most Sarajevo	11.100 KM	Faza glavne rasprave.	Ne
Europa d.d. Sarajevo	13.472 KM	Presuda donesena dana 28.8.2015. godine na iznos od 13.760 KM i toroškove postupka u iznosu od 1.751 KM. Žalbeni postupak u toku.	Ne
Hoteli Ilidža	164.481 KM	Faza glavne rasprave.	Ne
UR NOĆNI BAR GOGO	18.127 KM	U fazi pripremnog ročišta.	Ne
Agencija SUNCE-Filuni d.o.o. Medjugorje-Čitluk, PJ Hotel Sole Medjugorje	18.954 KM	U fazi pripremnog ročišta.	Ne
"KOROS" d.o.o. PJ Hotel "Quercus" Čitluk	15.120 KM	Čeka se zakazivanje pripremnog ročišta ili presuda zbog propuštanja.	Ne
"AREIDA" d.o.o. PJ Hotel "MORGORJELO" Čapljinina	21.600 KM	Čeka se zakazivanje pripremnog ročišta ili presuda zbog propuštanja.	Ne
HERCEG hotel doo Međugorje	19.080 KM	U fazi pripremnog ročišta.	Ne
Hotel "BROTNJO" d.d., Čitluk	14.500 KM	Čeka se zakazivanje pripremnog ročišta ili presuda zbog propuštanja.	Ne
Almira Travel Agency d.o.o. Mostar, PJ "Hotel Almira"	17.375 KM	Čeka se zakazivanje pripremnog ročišta ili presuda zbog propuštanja.	Ne
"UNION FOODS" d.o.o. PJ Etno selo "HERCEG"	46.080 KM	U fazi pripremnog ročišta.	Ne
Hotel Bevanda d.o.o.	20.520 KM	Čeka se zakazivanje pripremnog ročišta ili presuda zbog propuštanja.	Ne
Maksumić komerc d.o.o. trgovačko-ugostiteljsko društvo, PJ Motel Maksumić	17.100 KM	Čeka se zakazivanje pripremnog ročišta ili presuda zbog propuštanja.	Ne
Kristal komerc d.o.o., Musala b.b., PJ 2 Hotel Konak	12.600 KM	U fazi pripremnog ročišta.	Ne
Hotel Kaktus d.o.o. Čitluk	41.040 KM	Čeka se zakazivanje pripremnog ročišta ili presuda zbog propuštanja.	Ne
Hotel Ada d.o.o. , Blagaj b.b Mostar	43.020 KM	Čeka se zakazivanje pripremnog ročišta ili presuda zbog propuštanja.	Ne

AMUS Sarajevo
Revizija finansijskih izvještaja za 2017. godinu

"HOTEL MOSTAR"	14.450 KM	Čeka se zakazivanje pripremnog ročišta ili presuda zbog propuštanja.	Ne
Brodomerkur d.o.o. Široki Brijeg (Mepas Mall Mostar)	10.010 KM	U fazi pripremnog ročišta.	Ne
AZEL d.o.o. Sarajevo	10.010 KM	U fazi glavne rasprave.	Ne
Importanne centar	10.010 KM	Zaključena sudska nagodba dana 9.3.2016. godine na iznos od 3.089 KM i troškove postupka u iznosu od 923 KM	Zaključen sa sudskom nagodbom
KONZUM	10.050 KM	Zaključena sudska nagodba 28.12.2015. na iznos od 20.000 KM	Zaključen sa sudskom nagodbom
„CM-COSMETIC MARKET“ d.o.o. Vitez	10.010 KM	U fazi pripremnog ročišta.	Ne
BINGO d.o.o.	10.010 KM	Zaključena sudska nagodba dana 26.5.2016. godine na iznos od 41.377 KM	Zaključen sa sudskom nagodbom
"TROPIC MALOPRODAJA" d.o.o. Banja Luka	10.010 KM	U fazi pripremnog ročišta.	Ne
Nešković d.o.o. Bijeljina	98.308 KM	Čeka se zakazivanje pripremnog ročišta ili presuda zbog propuštanja.	Ne
"PENNY PLUS" d.o.o. Sarajevo, sa sjedištem u Sarajevu	44.479 KM	U fazi pripremnog ročišta.	Ne
BERAL MUSIC d.o.o. Tuzla	23.334 KM	Sudska nagodba zaključena dana 28.3.2016. godine na iznos od 3.348 KM i 350 KM za sudske takse.	Da
OFF SOUND International d.o.o. Sarajevo	31.875 KM	Presuda od 11.3.2016. godine na iznos od 15.730 KM, 7.865 KM na ime uvećanja naknade zbog neispunjenja obaveza iz ugovora i 5.799 KM na troškove postupka.	Da
LINDEN d.o.o. Sarajevo	14.962 KM	Sudska nagodba zaključena dana 24.3.2016. godine na iznos od 2.112 KM.	Da
Informativno poslovni centar Kozarski vjesnik a.d. Prijedor	15.486 KM	Tužba podnesena 15.1.2014. Očekuje se zakazivanje ročišta.	Da
NIGD "DNN" d.o.o. Banja Luka	11.516 KM	Tužba podnesena 4.9.2014. Očekuje se zakazivanje ročišta.	Da
Nezavisna televizija NTV-IC d.o.o. Kakanj	10.010 KM	Tužba podnesena dana 28.5.2015. Očekuje se zakazivanje ročišta.	Ne
Televizija Jedan d.o.o. Sarajevo	27.057 KM	U fazi pripremnog ročišta.	Ne
"SINE QUA NON" Udruženje za kolektivno ostvarivanje i zaštitu autorskih i srodnih prava	600.000 KM	Okončan prvostepeno i drugostepeno. Postupak u fazi revizije pred Vrhovnim sudom FBiH	N/A

AMUS Sarajevo
Revizija finansijskih izvještaja za 2017. godinu

Sarajevo i "SINE QUA NON" Društvo za pružanje intelektualnih usluga, za zastupanje i zaštitu autorskih prava d.o.o. Sarajevo			
"SINE QUA NON" Društvo za pružanje intelektualnih usluga, za zastupanje i zaštitu autorskih prava d.o.o. Sarajevo	102.026 KM	U fazi pripremnog ročišta.	N/A

Udruženje AMUS je u svojstvu tuženog u sljedećim aktivnim sudskim sporovima:

Naziv suprotne stranke	Vrijednost spora	Faza postupka	Zaključen ugovor
Senad Rožajac	25.450 KM	Okončan prvostepeni postupak. U toku postupak po žalbi	N/A
Hajrudin Varešanović	100.000 KM	U fazi glavne rasprave	N/A
Hajrudin Varešanović	22.800 KM	U fazi glavne rasprave	N/A
Vladimir Podany	10.100 KM	Općinski sud Sarajevo donio presudu kojom djelimično usvaja tužbeni zahtjev tužitelja. Dana 03.03.2017. godine izjavljena žalbu na prvostepenu presudu. Spis je trenutno na Kantonalnom sudu	N/A
Damir Alagić	30.167 KM	Postupak u fazi glavne	N/A
Ismet Arnautalić	14.400 KM	Postupak u fazi glavne rasprave	N/A
Fahrudin Pecikoza	10.100 KM	U fazi glavne rasprave	N/A

Po pitanju spora po tužbi Senada Rožajca, prvostepeni sud je djelimično usvojio postavljeni tužbeni zahtjev na način da je naložio tuženom da tužitelju za period 01.12.2011-30.11.2012. godine isplati naknadu plaće u iznosu 4.950 KM uz obavezu tuženog da za tužitelja uplati pripadajuće doprinose za PIO u iznosu od 1.650 KM, naknadu za ishranu u toku rada u iznosu od 1.655 KM, naknadu za prevoz na posao i sa posla u iznosu od 583 KM, naknadu regresa za 2012. i 2013. godinu u iznosu od 2.286 KM, sve sa zakonskim zateznim kamata počev od 08.05.2014. godine pa do isplate u roku od 15 dana pod prijetnjom prinudnog izvršenja, dok je preostali dio tužbenog zahtjeva od 01.05-30.11.2011. godine i od 01.12.2012-30.04.2014. godine Sud odbio kao neosnovan i obavezao tužitelja da naknadi tuženom troškove spora u iznosu od 758 KM.

U Sarajevu, 29.03.2018. godine

RECONS d.o.o. Sarajevo

